



0 1cm 2 3 4 5 6 7 8 9 10 11 12 13 14 15 16 17 18 19 20 21 22 23 24 25 26 27 28 29 30

deli 浙字02260122号 No.6230
得力集团有限公司



161018





卷二十

河陽趙士師五經

書經



見錄

寶書堂采衣全集



向方樹梅收賸

讀書堂綵衣全集

河陽趙士麟玉峰父著

受業徐

李遙穀校

男宸黼編

焯輯

卷二十

襍著 十一首

向方樹梅收賻

卷之四



七

遵

旨購書引

自西漢下獻書之令舊編悉萃中朝迨後唐有鏤板之行副本始傳通邑太常博士共司掌錄之官石室蘭臺均屬藏書之府於是劉歆班固所輯各著專家若係陳農荀勗所收斯稱秘牒博綜正變相傳貞觀初年雜撰高深具載崇文總目開元中褚虞讐校曾借民間未見之書典午時劉石憑陵卒歸江介初收之籍名標四庫不厭兼城藝滿六街何妨謀墊我

皇上宣聰作后稽古崇儒接羲畫之真傳邁虞書之絕
學搜揚百代文探兩粟以還融貫六經化浹流沙
以外玉海難形其富珠囊罕喻其珍猶切疇咨廣
爲哀集

御筵恭進惟以經學史乘爲先

天語重申不爲異端說所雜欽遵

綸綍亟合網羅矧本蕭梁文獻之邦尤得洙泗菁華
之域由來彼都人士大有縹緗居然江左風流可
無獻納所願東山舊學南紀高賢代典國華人懷
世寶連薨疊屋宏開曹氏之倉赤軸青牋博訪杜

家之庫奔逸書之三篋採古本之九丘客到枕間

世寶連蔓登屋宏開曹氏之倉赤軸青牋博訪杜

家之庫奔逸書之三篋採古本之九丘客到枕間
定索鄧林之秘人過市上爭窺延閣之藏勿吝獻
酬務期輻輳或流傳講肆沾諸待賈自有酬縑易
字之方或假借雜鈔繕畢卽完不致紙敝墨渝之
患必令汲郡再出新書還校蕭樓堪登上選

聖朝鼓吹母取秘辛遁甲之奇

盛世典章豈沿積案盈箱之陋要歸正大悉準精純
敬勒數言用祈同志丹青在握幸投我之爭先金
石相貽亮對

君而敢後莫令神仙丹笈徒付蠹食以長生儘教奎壁

靈文直附龍飛而上達珊瑚一架玳瑁千尋早彙
琳瑯共襄宛委

濬河述畧

濬河述畧

甲子春余受

命撫浙蒞事之始見衢巷綿絡簷舍鱗比少雨澍輒潢
潦載塗侵軼于宅民用怨咨心竊軫之迨閱月下
教特廣條陳十一郡之人藉藉紛紛咸詣戟門言
利病杭人則相率言民居窪濕以城河弗濬故且
舟楫阻滯擔負爲艱而迭罹火延亦水德之不勝
也質諸縉紳先生僉曰固也杭蒿目望此舉久矣
余遂檄藩伯令郡邑計其道理工費以聞而杭之
人亦續以其湮塞顛末開濬之緩急次第及所爲

規畫之方投匭上告余視其爲圖爲說者條分支
析縱橫鈎棘於闌闌間輒目岑岑欲眩莫識所措
手度其工非可以旦暮就而計其費且不貲爲之
柰何議者曰颺簡以籲于衆廣募繹輸計足而後
興役徵工於夾河之居民楹一人餘則他募以補
余喟然曰事未創而募則人疑疑則澀縮畏難推
後先校多寡觀望不前呼役於閭左則蚩蚩之氓
煩然騷動而諸以室廬侵牟河上不便於是役者
率爲浮言橫議以諛詞恐喝轉相傳播於是上下
咸怵然于河之不可果漭是所謂築舍于道謀而

不集於成者也且從來舉事利及千百世者此有

咸怵然于河之不可果濬是所謂築舍于道謀而不集於成者也且從來舉事利及千百世者此有識者知之淺者未必知之也適紹郡判王玘以事至省余知其人敏練習水利修三江閘著成績入謁余告之故且曰誠得一人爲吾任事不謀於衆而倡行之出錢募役厚其直毋擾民盡力所優循節佈工以徐俟聞風而好義者遞助踵接毋限歲月量費而進古不云乎凡民難於慮始可與樂成子盍爲我視之玘視訖還報曰冬餘民暇可卽濬也始事則廻龍橋一帶淤最甚宜先治且當城之中搯肱拊背足以風示四隅願公假某二千金以

試可余曰善亟貸付之下吉告神鳩衆按日給傭
視常顧倍之趨者如鶩不旬日而濬若干丈尺計
其費乃與向所估者各省有差於是遠近咸曰河
易濬也而尚衣學嵯南北權諸公而藩臬監司郡
邑各助若干未幾而外郡之監司長吏助若干又
未幾而紳士商民助若干曾未浹月資用漸集余
喜曰是可以分曹理矣遂分遣屬吏畫地程工畚
鍤雲興磬鼓四應余時乘一小輿間往周覽諸君
皆蓬首顰面肱左右揮不輟諸役者蜂屯蟻走泥
淖踣躅老稚聚觀謹呶雜沓洵一時之勝舉也河
酌舊址廣若干爲衡繩以前步侵繩以內者復之

淖踣躅老稚聚觀謹叟雜沓洵一時之勝舉也河
酌舊址廣若干爲衡繩以前步步侵繩以內者復之
越在繩外無碍往來槩弗深求所濬之污壤瓦礫
運以舫弃郊郭隙處兩涯隄以木石其中洞洞然
其旁嶄嶄然貫之清流融融然洋洋然民家爭闢
櫺節檻凭虛俯碧垂棹就澣遠近相望人航物載
行往來如織謂二百年來所再覩其樂可知矣役
始於康熙二十三年甲子仲冬竣於次年乙丑季
夏河以丈計者七千六百二十八有奇以工計者
二十一萬七千三百八十九費白金以兩計者一
萬二千六百三十二其需用椿板鐵器礪石諸費

另紀督工者爲嘉郡丞孫明忠運判范景賢杭紹
湖嚴四郡判宋德深王玘祝鍾哲王嘉植運判張
令甲安吉州州佐王世勲協贊則杭府照磨蕭世
玉知事王祖臣餘杭縣丞鮑訓山陰縣丞文軾烏
程縣主簿李天堦各縣典史孔南峙朱彬王彥瀛
劉芳聲王大有赭山巡檢沈光紹凡七閱月而工
成諸所助者用乃有羨值

部議飭直省捐脩城郭兼學宮傾圮并應脩諸役
因沛其餘以次卽工焉余乃復喟然衆志之能相
與有成而天下事之可力爲也成功實難隳之甚
易謹啓閉嚴隱占隨淤隨浚補救以時毋廢成規

與有成而天下事之可力爲也成功實難墮之甚
易謹啓閉嚴隱占隨淤隨浚補救以時毋廢成規
則惟後之君子是賴矣爲述其畧而紀其制用如
左云

鑑虛衡平說



卷之四

七

鑑虛衡平說

乙亥嘉平熊太宰素九公題鑑虛衡平四字於銓部之屏示訓也植公也旨哉何淵以深也且廣以大也是之謂知要知要卽知道知道則知天矣夫天生斯民而欲其理也則建之以元后焉元后承天子民而欲其理也爲之衆建庶官焉至於甄別流品澄敘官方進退天下之賢不肖之大權則責之統百官均萬民之冢宰冢宰官人者也於此任耳則蔽任目則炫任己則偏任人則罔任資則滯任法則絀任智則愚任術則窮况群天下之人才

群天下人才之衆咸輻輳而畢集於

闕下出千百人之心思智力以圖急售旋與速化得

則曰例也否則謗焉蓋人才之直亮誠慤者十人而一聰明猿巧馳驅世路環轉脂隨之輩十人而九故一人飾僞九人不能測也一人執實九人相與疑焉賢人在前邪夫乘之毀玉爲珉譽猶爲莖如是則澄之也難人才之生也在一鄉千而拔一在一國百而拔一在都會十而拔一選益精則才益寡指摘微瑕則宗廟之圭瓚恒缺寸朽不錄則大廈之落成無時虞舜重瞳不能兩視魯輪雖巧

不能並作以是不真又失之隘於是則敘之也難

益寡者打打行玉貝... 大廈之落成無時虞舜重瞳不能兩視魯輪雖巧不能並作以是不真又失之隘於是則敘之也難鶯鳩不出於枋榆之間跛驢不涉於太行之路志豈不足哉力不能也大鵬之圖南赤驥之千里此獨其志然哉力有餘也神龍在池一旦起而雲雨人始知神寶缺出匣睹者動容如是則甄之也難蜩蟬不與蟋蟀齊鳴絺綌不與貂裘並服批大窾解大髀非利刃善技亡賴也英雋逸群之才跳驅千里之氣舉四海而加之遺艱大而投之倍加快愉如是則識之也難國家以孝取人則刳股無完膚以廉取人則僵卧無肥澤終南可以捷徑則掛

冠接踵矣。傲車可以延譽，則鶉衣百結矣。如是則別之也難。或賢豪應當世之務必積而後信，久而乃章。何者？其所爲者皆人所避，其所斷者皆人所迂延而不敢決。歲時深則性情始露，吾欲取效於尺寸，驟觀夫厥成如是，則進之也難，盛名難副，重任難勝。賁育能任千鈞，行百里未咫尺，而氣逆足盤人弗勇之矣。后羿古之善射者也，百發而百中焉。人稱揚之，連發數矢，而或遺焉。人非之矣。然而其勇其射固自若也。如是則退之也難。老成謀國在譽望，伏壓儉邪，猷謀論議足以定難而解紛，彼勞勞趨走奔命於手足耳目之前者，則一命之士

在譽望伏壓儉邪猷謀論議足以定難而解紛彼
勞勞趨走奔命於手足耳目之前者則一命之士
之職也如是則辯之也難以茲八難兼祛八任何
道而可公曰無難也有鑑焉鑑猶太空也雷動而
雲合風馳而雨施四塞矣少霽則倏焉青空以虛
也鑑之妍媸並照毫髮無隱五色各一章千人各
一面而弗混者何哉虛故也又有衡焉衡猶止水
也風翻則浪湧龍奮則波興至變矣移晷則坦乎
澹蕩以平也衡之輕重各殊銖銖不爽百物各一
體百體同一制不相倚者何哉平故也其道在忘
好惡去意見除將迎絕恩私栖志於無妄之次游

意於自然之途則萬物畢聚濶大淵泓不可量也
性情嚴肅無所動搖不可牽也塵垢絕越中情潔
白不可汙也需徹貫通比於著蔡不可欺也臧否
去取先幾炳見不可遁也如是則才達才達則無
已無人去智去術無已則無難舍已無人則無難
任人去智則無滄力不已出去術則無憎功從人
立斯鑑之精衡之妙也是道也卽內聖外王之道
人主執簡御繁之理也帝堯制曆象以授時咨四
岳以讓能舉元凱以禪政竄饕餮以蠲害然爲而
不有動而能靜卒成垂衣之治者以虛也平也帝

舜以璇衡齊政以四門達明以伐苗見威以阜財

不有動而能靜卒成垂衣之治者以虛也平也帝
舜以璇衡齊政以四門達明以伐苗見威以阜財
布德然爲而不有動而能靜卒成無爲之治者亦
虛也平也

皇上敬天則郊丘有祀宮廟有祀有祈穀之典有報謝
之典恤民則養老有詔蠲租有詔有賑饑之令有
蕩平之令身處宮庭宥密之中慮周四海九州之
外天下有不可勝窮之務而咸取報於一日二日
之間緝緝熙熙履道之微焉穆穆懸懸會道之原
焉爲而不有動而能靜成垂拱之治者虛也平也
譬之於天陰陽之流行四時之轉移萬物之化生

言言堂
輪輪駢駢而未始有息也然而於穆之神流者自
流不與俱流移者自移不與俱移化者自化不與
俱化何哉爲而不有動而能靜惟虛與平故也况
官人乎公曰玉峰殆良於言哉我則未計及此也
遘才欲其虛公而已

題于毅菴詩後

題于毅菴詩後

聞金沙毅菴于先生詩文字畫冠絕一時求之不可得幸得與先生長君章雲交請之出所書十二月詩一冊示余零落如殘霞斷錦披覽之餘詩具質實渾樸之風且有艱難忠厚之遺詞賦之氣咸盡矣字有從容閑適之意而無狂怪怒張之習筆墨之迹俱化矣物忌雙美先生兼之曰止是乎章雲曰先君生平得意乃書故灑翰無多人獲之如拱璧余兄弟年俱少復不知藏不意遽失所天一代之澤竟止此爾余曰神物不世出異寶不在多

也玩弗忍釋余樂之章雲益悲之



對本說

對木說

今夫對木者對松柏也其次桃李松柏可材桃李
華悅不任風雨若夫榱楠長于深山處幽生邃歷
千歲而始材廟堂之觀也漢起建章之宮建承明
之殿群材畢集列若丘山其時欲轉干霄之木爲
盤之石於巖廊之間非一手一足之力也百夫駕
車千夫引繩前呼輿譁後皆應之木翻然馳焉當
此雖有絲桐之奏霓裳之舞鞀鼓之音不相關也
何則物有鉅纖聲有微昂力有齊不齊人有至不
至故也况舉重任致遠道乎所宜深之以養出之

以識洞之以微而作之以氣也幾有伏智者睹之
務有時謀者乘之所貴於士者秉道而植志圖公
而輟私目周堂戶之中聰徹垣牆之外博習厚蓄
明晰今昔之故負不可涯之氣而懷忠純之腹斯
則優矣吾拙尋往蹟歷觀群倫則深歎名實之難
焉今有賣珠于市者萃其櫝而中亡珠買人以爲
美携歸而啟之則喑然嗟焉吾懼其或類之也

四說說

天下事有可以意及者有不可以意及者不可以
意及利用謀可以意及利用斷也舉天下事有可
以已任者有不可以已任者可以已任利用獨不
可以已任利用衆也當其用斷有可以未事而決
者有不可以未事而決者未事之言人人忠幾務
方乘貴燭之于當機迎之于紛至也當其用衆有
可以事後而定者有不可以事後而定者事後之
言人人智事機旣過貴鑒之于已往善之于將來
也吾讀書而見謀及卿士謀及庶人謀及元龜謀

及著策龜從筮從卿士從庶民從矣及發而鮮有
克協者此詢謀僉同不若朕志先定之爲要也吾
過五都之墟廣衢之側見築舍者旦且而度之方
方而按之過者此曰可彼曰未可彼曰善此曰未
善卒之主人惑之工人擾之三年而不集于成故
用謀不若用斷此一說也昔人建明堂起未央榭
楠取之荆楚綵色貢自維揚漆絲來于巴蜀金鐵
採之華陽盤石柱礎輦之名山大壑重寶名珠泛
之巨艦廣洋群策群力呀呼輿謗而殿成焉殿成

而

聖天子坐以出治所側席而旁求者獨忠貞之士與夫

聖天子坐以出治所側席而旁求者獨忠貞之士與夫
股肱心膂之良耳臣之于君猶手也夫手上以脩
首下以脩足斯心安體舒焉劍斷割則知利士委
任則多賢故用獨不若用衆又一說也若夫未仕
而期以身許國方童而言竭力于親平居而談致
命遂志履常而矢殺身成仁足不踰戶閭而曰吾
能涉大川手不能挽強弓而曰吾能搏猛虎鎚銖
毗睚而曰千金之璧吾能碎之跬步蹶跌而曰九
成之舞八風之奏吾能兼之總之當機則軼對境
斯遷未事之言人人忠內斷之臧存乎識此一說

也處千百世之下而論千百世之遠撫簡冊之文而泥前人之跡曰某也得某也失某也成某也敗某也忠某也佞騁舌上之雄鋒誇胸中之多識樂毅一鼓而下七十餘城卒因卽墨而復之曰此齊將之智樂生之過也漢高之于項羽一戰而勝之曰此三傑之能而高帝之能知人善任也蓋陳說也總之時過則論定論定則耳目咸得所聽覩而莫可淆事後之言人人智鑒于既往善于將來者之難得也又一說也四者其大畧也

謝藥枕說

家恒夫弟以藥枕贈予枕柏木爲之中空外面內
納藥三十二種異者半平常可得者半外覆以蓋
爲多孔如米粒俾氣達卧則枕之能令目明耳聰
髮黑益壽延年恒夫授之異人枕數月稱佳因念
予照式別製一具相貽試用果神爽氣清時有一
段幽氣似芬非芬來往鼻端若偃仰於華嶽絕頂
松風飄忽月白天青颯颯有仙意予樂之非真欲
得耳聰目明髮白轉黑年果延而算果益也樂兄
弟友愛之情真誠篤摯近世罕有焉夫棠棣之詩

周公所作以親夫人之兄弟也故首章有云棠棣之華鄂不韡韡凡今之人莫如兄弟箋者謂鄂足傳華之光明則韡韡然盛興者喻弟以敬事兄兄以榮覆弟恩義之顯亦韡韡然也吾二人卽族遠而地隔然其始未有非同源共貫也後得侍同朝丙子之春恒夫置酒聯同姓者團拜得四十人其間少長各殊南北異處而情聯誼切不可謂不盛其先則少司寇愛周兄僉憲爾合兄及予與恒夫骨肉相歡者十餘載較同胞有加焉蓋同生長簪紳之家斬需詩書之澤兄弟之間下承上覆彰明光顯固無失於詩人之旨憂喜哀樂與共有無相

骨肉相離者十曾車車不用不九月五日
申之家斬需詩書之罪兄弟之間下承上覆彰明
光顯固無失於詩人之旨憂喜哀樂與共有無相
通升沉顯晦相扶持怕夫倍深至一日怕夫以視
河事被累去諫垣歸黃山睽者數年而心神則未
之隔如形影相戀作詩賡和來往如環則二章所
謂孔懷兄弟者不爲有合乎迨荷

聖明

洞及非辜先起大宗伯佛公繼起大司空蔚懷熊
公及怕夫怕夫需補棲寄園從容燕飲以洽其和
孺之情朝斯夕斯惟恐不足吾視寄園爲吾物與
至卽遊怕夫爲具館核茗醞更唱疊詠爲之序寄
園寄所寄集又序卧林遙集千律詩作寄園遊記

園景三十各題以詩復爲草書怕夫鑄之石則六章所謂儻爾籩豆飲酒之飫不更有大乎兄耳兄目弟欲爲兄聰明之兄髮白弟欲爲兄黑之兄年壽弟欲爲兄延之益之斯有良藥與兄共之推斯意也兄有疾痛弟欲爲兄去之兄有所欲弟欲爲兄致之可知也此蓋天性豈怕情乎抑豈常人公溥之量兼善之懷可比擬乎在怕夫亦知未能卽必果聰果明果延果益也而欲聰欲明欲延欲益一念若有真聰真明真延真益者然是乃仁術也其意良厚其心則仁也子弟事父兄甘膳之設人能致也而敬難敬人所能也而愛難敬欲其如事

其意良厚其心則仁也子弟事父兄甘曉之設人
能致也而敬難敬人所能也而愛難敬欲其如事
大賓則何難之有而非敬兄之道也愛欲其如愛
妻子則何難之有而非其愛兄之道也如恒夫者
愛而肅恭之禮存焉敬而肫悷之意備焉雖事親
不過如是况雁行乎再推斯意寧止兄耳兄目兄
年壽雖合一世之耳目年壽咸欲聰之明之延之
益之共登仁壽之域可知已世俗猥薄兄弟父子
憂喜不相問逸樂不同情假貸不相通事觸於中
則勃然搽戈而相逐父不能以禁其子弟不能以
諍其兄况疾痛之與去所欲之與致乎同氣一體

且然况遠而千里萬里聯宗合譜如秦越人不相
識乎有志之士躬行仁厚骨肉痾瘵居於家而使
同姓之親少長知禮讓而不爭壯者知勉於學而
篤於行能睦其族化其鄉而不陷於非義頑嚚化
爲純慈愚昧者不失其性豈非賢人君子之行歟
又不僅耳目聰明之兢兢也吾感於藥枕一節而
申其謝并申其說

夜氣說

予善睡於廣座中時或鼻鼾如雷而又有聲卽聞有叩卽荅時或閉目內斂收聽反觀而靈明則炯炯少宗伯王子言嘲予詩曰少宰鼾呼有大名

朝房假寐若雷轟有朝徹入

重瞳耳如聽當時曳履聲客疑之曰先生似睡其實又未嘗睡必有道焉請示之曰予非知道者嘗讀易曰尺蠖之屈以求伸也龍蛇之蟄以存身也是故夜者晝之因靜者動之乘孟子教人存夜氣所謂發前聖所未發天地之道秋冬不斂則春夏不舒

雨暘愆而百穀不成以先洩也吾人神氣息而後
生恒視則耗多言則損好動則疲襍慮則銷加之
嗜慾不清殷憂內伏飲食不節起居無時豈善攝
之道哉知道者先澄其心志俾天君泰然每凝神
養默遊心何有之鄉息意太懸之境當大庭廣衆
之地聲聲色色聒耳炫目則瞑然若藏至幽居寂
處則兀然趺坐絕慮屏思一旦有事自然形開神
發卽彌綸天地之道參贊位育之事咸出其中矣
善哉武侯之言曰學須靜也才須學也非學無以
廣才非靜無以成學非澹泊無以明志非寧靜無
以致遠予私心學之而未能但見其類於睡者此

廣才非靜無以成學非澹泊無以明志非寧靜無
以致遠予私心學之而未能但見其類於睡者此
也

窮酸說

卷一



窮酸說

女... 窮酸說

窮酸說

予澂友楊巽耳遙函貽我曰天下之窮莫有過於窮酸之窮窮酸之窮窮酸者自知之不窮不酸者不知之也信如是將以未遇而家食者爲窮酸乎出而仕宦者爲不窮不酸乎夫仕宦中有真窮酸焉不可不知仕宦而不窮不酸其人品可知其成就可知已原憲桑樞顏子陋巷此真窮真酸者也兩賢竟以窮酸終未聞以窮酸病何患焉百里奚乞食於道路宰相秦而顯其君甯戚飯牛扣角而歌桓公任以國政此始窮酸而終於不窮不酸者

也兩君子不聞以不窮不酸而有加何損焉蘇秦
張儀公孫之徒挾策以干諸侯致身通顯佩相印
而盛車徒此急欲脫窮酸而求所謂不窮不酸者
也究之縱橫之說窮身名旋敗其不窮不酸爲何
如也子胥入吳種蠡霸越范雎拉脅折齒於魏而
貴於秦蔡澤乘堅驅肥詆應侯而代之此不窮不
酸又究竟何如也若夫李斯位上卿而興悲於東
門黃犬商鞅貪商於之富而不免於車裂不窮不
酸之爲殃何烈也司馬長卿切訾於卓氏臣朔割
肉於細君此一段窮態酸味不大可掬乎匪直此
也周公封魯太公封齊敢曰我富我貴乎仍窮仍

肉於細君此一段窮態酸味不大可掬乎匪直此也周公封魯太公封齊敢曰我富我貴乎仍窮仍酸也夔龍稷契未聞富侈大窮大酸也後世文章之士屈宋班馬何一而非窮酸之人理學之儒周程朱張何往而非窮酸之輩有窮骨而後有喬嶽泰山有酸意而後有光風霽月其猶仰日月星辰乎非不晃耀在目也不窮不酸者欲足躡紫霄而手摘白榆能乎哉其猶望泰華嵩嶽乎非不嗟哦在前也不窮不酸者欲陟芙蓉之巔而把仙人之袂能乎哉陶朱猗頓之蓄無所騁其豪資育專諸之勇無所措其力是故拖金紆紫鳴騶飛蓋非貴

也郭侈金穴石步錦幃非富也列鼎而食選聲而聽非雄也燕姬侍側趙女舞前非麗也東方生曰抗之則在青霄之上抑之則在深淵之下用之則爲虎不用則爲鼠此蓋爲平常苟且之輩慕富貴而喜競進者道豈所以語於真窮真酸之士哉古之君子達而在上祿之以天下而弗顧繫馬千駟而弗視勳猷震寰中而不矜惠澤及百世而不伐故必堅其能窮能酸之操而後可以成其不窮不酸之用至於窮而在下勞筋骨餓體膚經百折而不迴猶詠歌而自若又必堅其極窮極酸之遇而後可以成其真窮真酸之品安有伏處巖穴者爲

不迴猶詠歌而自若又必堅其極窮極酸之遇而後可以成其真窮真酸之品安有伏處巖穴者爲窮酸側名華廡者爲不窮不酸哉甚矣窮酸之於人至妙至妙者也予童時卽獲與洪崖黃梅兩先生交每晨夕當風雨晦明或燈前月夜把酒論文更唱疊和四十餘年久矣予昨擬爲文送之兩先生責我甚備乃覺焉懇而留之惟恐其舍我而去夫子今而後知窮酸之於人至妙至妙者也吾友又欲去之乎竊恐羅藏雲物撫湖烟波華陽之層臺仙館環澂之對色芳華笑其後也



做送窮文

做送窮文

予未冠而背先妣既冠而背先考今母萬撫焉遭
寇氛之亂兵火相尋家業盡蕩孑孑孤影東奔西
匿遂遇洪崖黃梅兩先生於巖谷之間廣淵之野
促膝談心長嘯有契敬延至家上座焉每花前月
夕歌詠甚清觥酬交錯豪飲如狂登高遠涉而文
日肆昂首霄漢而氣倍雄獨是才不足以治十口
之家室鮮擔石之儲弗計也迨三十二而舉於鄉
三十六而試春官叨第遂登仕版開府江浙今官
少宰吾腹便便吾貌豐偉見者識與不識莫不稱

其爲尊官富人，也乃母九十而乏甘旨之供，吾年六十餘而婚嫁尚頻，貸甚難，嗜酒不賒，春衣時與知我者笑我疎畧而迷惘，不知我者謂我欺飾而矯誣，室人交謫，衆口相譏，咸曰：此兩先生相依之故，予事兩先生久，禮貌未少衰，意思未少劣，奈何窘而貽訾，冀維新而易轍，茲當壬申歲除月吉時，良效昌黎之作，車送先生於他邦，兩先生忽變色曰：居吾語公昔者，土逆叛於滇，殺人如草，管挾資者亡脫，公於難以有吾也。時旣漸平，公罔知力穡，事牽車牛，遠服賈，惟麴糵之是耽，詩書之爲務，携朋挈友以選勝，問柳尋花以漫遊，歷官中外，幾三

事牽車牛遠服賈惟麴蘖之是耽詩書之爲務携
朋摯友以選勝問柳尋花以漫遊歷官中外幾三
十年乃迂濶而講四知且希心於往哲而不爲凡
營遊神於太虛而不落塵樊拯人之溺如已之溺
視人之饑猶已之饑好排紛而解難又輕財而輒
施凡此者皆致貧之道也亦惟吾之故迺獲去鄙
而就雅道長而日升我輩何負於公公欲送我曰
雖然吾窮久矣骨悚悚而恒懼足摇摇而莫處薄
賓朋而無奈抱語言而莫訴不冰而人自寒不惡
而人自惡爾情可感爾名可妬士遇先生而苦饑
官遭先生而耗蠹况吾口數十日嗷嗷其可慮吾

家萬里恐飄泊而沉陸吾母就衰喘風燭於日暮
吾齒非少任茲擔其奚荷邊厥終之是圖小德可
以出入先生率僕御而少退予或庶幾於末路於
是兩先生正襟端坐而詔予曰夫性有定分理有
至極力不能與命抗才不能與天爭君子立性樂
分抱朴含真壓之泰山不以爲重付之秋毫不以
爲輕夫財利者衆怨之府也賢人之所避也小人
趨之如逐鶩也君子却之患浼已也孔子絕糧顏
氏屢空屈子感憤黔婁遘窮別有以也卮范丹於
塵金割買臣於愛婦悲墨子於染絲哭阮籍於迷
路炊百里奚之屨屨空孟嘗君之門戶時則然也

慶金割買臣於愛婦悲墨子於染絲哭阮籍於迷

路炊百里奚之屣屣空孟嘗君之門戶時則然也
饜公以蔬食菜羹者飽公以道德仁義也迫公以
窘乏不支者益公以智識作用也物忌雙美盈虛
消息天之道也位次上公非不貴矣家慶足樂亦
希觀矣尚何饗殮之不忘有餘不足之興嗟將欲
刻方爲圓效白晝攫金之士及老戒得學昏夜狗
偷之行乎方今

聖明在御治化大行清風扇拂乎八區

皇仁丕洽於四海何所容其私歟且年歲屢登秦荒大
賑家益藏而戶饒足未見餓殍公獨鯁鯁焉將欲

送吾吾兩人豈苟留者乎言已拂衣而起予急呼
童掩關扣門牽裾再拜以請曰予惑矣今聞兩先
生之言如酣夢倏覺也汗涔涔其如雨下先生憫
予曷少留兩先生曰吾固欲全公令名於始終也
成公德也吾輩豈可遺而可留哉用是得緩其行
不去

宮詹龍雷岸少司農王阮亭兩公唱和詩後

宮詹龍雷岸少司農王阮亭兩公唱和詩後

跋

輞川擅新聲之譽奏雅製於輪袍公瑾標顧曲之
稱傳驚才於檀板巧由天授事播人寰宮允望出
皖城滙大江之秀采司農名高岱嶽表東海之雄
風偶聽香鬟回憶揚州之夢有懷玉茗遂賡燕市
之歌豔奪瓊花人如連璧風傾玉斝篇擬十香洵
足單行允推敵手僕夙愛敲詩祇慙度曲遇鄭國
之雙環難分甲乙瞻豐城之兩劍莫辨雌雄特借
青鏤聊充紅豆盼登場之何日笑畫壁之徒殷惟

才雋袁宏自移情於謝尚故歌傳子野因見賞於
王猷

讀書堂綵衣全集卷二十止

讀書堂綵衣全集

讀書堂綵衣全集卷二十止

讀書堂綵衣全集

盧炳訂

河陽趙士麟玉峰父著

受業宋元徵輯

男 宸黼編

卷二十一

墓誌銘 八首

讀書堂文集 卷二十一 誌銘



翰林院編修沈耿巖太史墓誌銘

翰林院編修沈耿巖太史墓誌銘

嗚呼岱瞻其去予席而歸太史公膝下者曾未數
月一旦公訃音至予痛之且遣使走三千里以誌
銘傳請予何敢辭按行述沈公諱珩字昭子號耿
巖海寧邑東鄉之海汾里先世德清人宋建炎初
樞密忠敏公諱與求扈蹕至臨安遷臨平再傳而
千駟公遷海寧之鹽倉累傳至贈公而莫公諱兆
廣刻志讀書研精春秋三傳年二十五早世公甫
三歲贈朱太孺人母儀閨則爲士女宗水霜之節
歷五十餘年

旌揚之贈公彌留日矚睇而自以手約之曰好一枝
玉簪蓋言其質之縝密而矜貴也稍長出就外傳
性警穎嗜學體素羸承母教勿少怠十歲爲制舉
業輒見知先達諸名家十五補弟子員十八論交
當世同人於當事座中有辨及異同者公矧然曰
今日當論邪正不當論異同聞者縮舌會里中揭
竿索餉宗人憤之公躡足曰此不可以憤爲也憤
則無類矣佯與之約餉千金卒擒其魁識者知其
器識不凡云孟津李僖平公視浙學搜奇俊會選
拔拔之戊子秋試不第僖平搜三場卷藏之曰使

吾後人知天地間有此種文字也洎入都

拔拔之戊子秋試不第僖平搜三場卷藏之曰使

吾後人知天地間有此種文字也洎入都

廷試第二庚子登順天賢書甲辰會試以策論取士公

曰生平學古此其時矣遂冠冕南宮

廷對擬一甲第二旋更置二甲一名館選未與念朱太

孺人歸不忍違奉養日講求理學經術諸書十餘
年間巖泉嘯詠未嘗以得失介懷乙卯長安與公
有通家誼者欲得公朝夕論文爲援授中書候補
丁巳分校北闈得法樞等六人皆愜物望戊午

詔舉博學宏詞宰相高陽寶坻益都三公合疏薦之已

未

御試授翰林院編修纂修明史傳述論贊有史館三長
之日辛酉

召宴瀛臺

賜文綺表裏及蓮藕恭進紀恩詩六十韻八月

簡用順天副主考與歸修撰惺崖交相砥礪誓不負
朝廷得王元介等一百六人皆知名士壬戌元旦
賜宴內廷恭進

聖烈頌六月以疾乞歸卽舉先贈公及朱太孺人葬丁

卯

恩頒勅命兩世並荷

寵榮焉生平素凜繩檢日閉門息機以窮經研理爲務

恩頒勅命兩世並荷

寵榮焉生平素凜繩檢日閉門息機以窮經研理爲務
於邑東之龍山講太極圖說顏淵問仁二章于齊
安講白鹿洞規於武原之學宮講西銘繼講河圖
洛書中庸首章洪範疏義於本邑學宮又著大學
經文發疑先後講學惟欲學者於日用事務間求
致知力行之要闡明濂洛關閩之傳著述已刊者
其耿巖文鈔初集二集龍山齊安諸會語詩集甲
辰策稿時藝小問篇曉集六子初集二集三集慧
居兩生草諸種其未刊者則有棲遲草宏詞草投
閑草消夏詩談稼邨偶見稼邨緒論雜說尺牘存

稿時藝稿自訂年譜諸種所纂輯者於經則十三
經文緯外孝經通解周易精義書禮篇義詩經疏
義集要集註精義學庸或問纂大全撮要諸書於
性理則有性理纂四先生學約纂明儒言行錄鈔
諸書於史學經濟則有文獻通考纂明史要畧明
禮考評案筆記諸書他如史遷班固昌黎廬陵三
蘇以及漢唐諸家暨有明景濂希直升菴鹿門遵
岩震川歇菴楓山姚江崆峒弇州諸家古文古樂
府唐詩賦臨川宛陵東坡諸家詩明九家詩先輩
諸大家時藝下至養生岐黃家言皆有纂輯又有

見聞隨錄玉林說苑屑金隨鈔雜組選薈撫餘詩

諸大家時藝下至養生岐黃家言皆有纂輯又有

見聞隨錄玉林說苑屑金隨鈔雜組選蒼撫餘詩
人遺事諸種雖片錦寸璣咸手鈔存笥益一生之
神力畢萃於簡編學行中無一刻之暇逸也公生
於明萬曆四十七年己未二月十三日終於康熙
三十四年乙亥七月二十一日享年七十有七先
配朱孺人繼配祝孺人生子一嵩士桐鄉廩生女
三配適別載

銘曰湯湯東海篤生鉅儒於惟厥考刻志讀書公
甫三歲遽卽松梧猗歟節母含荼撫孤出就外傳
迥與衆殊溫恭淑慎僉曰鳳雛迨年十五類宮先

趨交遊嚮慕千里驅車孟津視學桃李茶鋪經明
行修獻之

天衢跌宕文史磨礪以須奏捷太學名播寰區甲辰取
士帖括頓除意崇實學一變其初公居榜首文為
世模言念嫠母返里閭廣求百膳晨夕親扶巖泉
嘯詠忘情簪裾會補中翰分校京都得士者六有
璠有與

皇朝徵辟降

詔荻蘆無分仕隱淵雅斯資叶相國交薦

天子曰俞爰用詞賦試之石渠居以玉署佩以銀魚

國有大典汝其是謀叶

天子曰俞爰用詞賦試之石渠居以玉署佩以銀魚

國有大典汝其是謀叶

朝有鉅製汝其是求叶荷蒙

錫宴文綺與俱恩以頌紀情以詩臚賡颺之盛媲美

唐虞辛酉主試譽洽歐蘇悉網麟鳳否亦珊瑚幽

燕得人孰有加諸公性恬退乞疾歸休叶經營窳

窳以妥靈輿

龍章旌表遠近驩呼公無他嗜與古為徒六經子史以

佃以漁明西銘旨講太極圖孳孳矻矻不負三餘

矧自時藝以至說郭黜浮崇雅各得其腴書必手

錄錄必研硃老而彌篤亦已忘劬後學追仰徘徊

言言堂
故居山川之秀其在斯乎公有令子才似庾徐將
謀梨棗以垂海隅敢藏名山聊以自娛

明兵科給事中雲岑李公碑銘

明兵科給事中雲岑李公碑銘

雲岑公者諱毓新字喬之海鹽人崇禎乙亥拔貢
入北雍舉丙子順天鄉試丁丑成進士任潮州府
推官陞兵科給事中其先孟璿公祖衍字原白本
河南人元末官嘉興路副總管因家鹽之苞溪孟
璿學淹博爲嘉興訓導調汝寧訓卒著有南庄集
子景南景孟孟甲戌進士知莆田政有聲編皇明
正音若干卷景孟子滂鄉舉令蒼梧孫儒烈嘉靖
丁未進士歷閩僉憲景孟兄景南有孫星以孝廉
令績溪星之孫正華淮安教授曾孫卽公也公殉

身於崇禎之乙酉歲今越五十年矣子登瀛以明
經授四川梓潼令於燕邸屬同里學士徐華隱公
請銘於余弗克辭閱行實抽尋往蹟睹於時事則
深歎國士之難焉啓禎初卽有烽燧猶之礮電颺
風倏起倏滅士大夫以爲亡足憂於是左干戈右
文墨與時恬嬉日有餘快斯視軀重矣及流氛猖
獗中原鼎沸大城危小城陷血塗草野彼仗鉞登
壇者豈少乎卒莫有誅戮俘馘爲國抒患者則甚
矣狗國之難也夫保軀之與狗國不可同日語矣
士不免蹈此何耶宇內才豪不可勝數非得弘博
強毅之士邁雋逸群之才有鞭驅千里之氣能指

士不免蹈此何耶宇內才豪不可勝數非得弘博
強毅之士邁雋逸群之才有鞭驅千里之氣能指
陳經緯張弛之畧大振作新則精采不還國威不
伸游世路者徒環轉脂隨喪厥本性耽幽寂者欲
蟬脫塵壒高託林泉則信乎保軀之士衆而殉國
之士鮮矣卽有一二慷慨感激者出思欲披紛解
難而智不能照謀不能先所失則庸又或保祿愛
身懾禍求全所失則懦以余聞於雲岑公聳額深
目巨口長髯下筆數千言立就坦衷直腸慕古忠
臣烈士之所爲在庠庠重在雍雍顯聯翩鄉會名
振京師豈非以其沉雄具大畧不僅才藻華茂

著作繁富如尋常詞客風人者流也旋除潮陽司
李時海內寇攘潮濱海東界閩南盜賊充斥公守
廉潔聽斷如神上官察其才令兼攝四篆癸未惠
潮山寇伏莽於烏禽嶂黃沙寨康禾小溪諸處兩
廣總制沈猶龍合各郡兵會勦公監軍務條議十
二策一曰選驍將二曰定期會三曰合兵力四曰
練火器五曰設埋伏六曰出奇計七曰足兵食八
曰嚴賞罰九曰搗賊巢十曰禁擄掠十一曰練鄉
兵十二曰弭訛言皆切中勦撫機宜所向奏功是
年冬署肇慶府事楚寇震鄰賀寇鵬張制軍移鎮
韶州賊攻破開建肇風鶴屢驚公至下令安民刻

年冬署肇慶府事楚寇震鄰賀寇鵬張制軍移鎮韶州賊攻破開建肇風鶴屢驚公至下令安民刻日恢復開建隨令西粵兵五路進勦賊首就擒餘黨悉滅惟楚寇正熾陳策制府乘其不備急擊連復楚城十餘粵境以寧適惠藩避亂於肇護衛不戢居民罷市肇兵與藩兵格鬪幾以藩獻賊公徒步行間曉以大義兵民胥悅迎藩入城而肇安未幾閩賊姜世英統衆數萬突入黃岡攻饒平大埔郡被圍軍書至公建言制府請兵前勦允之卽委以監與叅戎趙千駟疾馳至惠來賊聞風遁惟興寧橫坑下洋各賊首黃曆元等擁衆焚劫公解潮

圍慰勞畢卽移揭陽與趙籌畫前後大小四十餘
戰並捷賊首就擒復計擒閩賊姜世英餘賊盡散
潮平奏捷優敘行取方東裝逆闖犯非都陷冬由
潮抵南授兵科給事中數上封事忤馬士英不報
出之巡江南至江而軍民盡已解體遂歸禾遇亂
兵與故冢宰徐石麟殉身死於城南次子庠生名
禎先抱父屍同死嗚呼豈不謂烈丈夫哉致命遂
志奮不顧身誠以殉國爲榮保軀爲辱者也浩氣
英聲振於殊俗詩書千櫓中能數數見歟他如飭
廉隅守儉約任德化嚴請託禁私派剔奸弊則生
平之介節也慎刑名恤窮黎矚奇冤斷疑獄清錢

廉隅守儉約任德化嚴請託禁私派剔奸弊則生
平之介節也慎刑名恤窮黎矚奇冤斷疑獄清錢
穀釐兵餉則治潮之大概也籌勦撫明紀律排患
難解紛紜消水患弭火災則歷仕之惠政也可謂
不負所學矣公生於明萬曆庚子九月卒於乙酉
六月享年四十六歲配蕭孺人培竹公女後公二
十六年卒享年七十餘淑德懿行載狀中子三長
裕長嘉郡庠生次禎先嘉邑庠生同公殉難三卽
登瀛所生及配別載銘曰
奕奕李氏興自戎功而籍苞溪歷世昌隆厥有顯
者德不以官孝義直方績著爛焉粹侔之玉芳比

詩書堂
之蘭爰及於公弘識偉度赫赫奏功肩大以素時
也不偶有霖未傾有璧而碎有珠而隕譬彼梓材
蠹齧霜摧斧斤再尋茂維艱哉生有三雛一雛同
湮一雛鳳舉聿振羽翰來遊

帝里言陳肺肝徵黃絹辭用光壤泉嗟余蕪陋鉅公來
委卽言以敷圖惟弗刊鳳拜稽首且欣且哀涕下
汎瀾隧首有石牲來繫之勒詞於腹永永在斯

歲甲子
陝西分守涼莊道叅政西嶽崔公墓誌銘

陝西分守涼莊道叅政西嶽崔公墓誌銘

歲甲子

上諭滿漢大臣會舉天下廉能官員以備擢用

廷薦者七人推揚州太守崔公爲天下清官第一兩江
總督缺公以郡守得列會推從來未有之希覲也
余時撫浙聞而訝之曰此必素履潔清操持嚴毅
者也又必雄才肆應利屦斷物者也然廉者必刻
律已繩人或過爲矯激者也才者必矜揮霍震動
殆鉤耀一時者也否則始終易渝豐嗇異致者也
常變殊施衰壯岐効者也公大不然越一載兩淮

鹽法道缺人

上念此歲課攸關非其人則善剝諸賈飛府庫財安得
狷介如崔某者乎咨嗟久之卽以公充蓋欲留公
大用也公受

命值三逆叛亂軍興旁午不得已加勛加課輸稅木販
淮揚饑咸取給於商商困甚行鹽引窩求售不得
有棄本業而他徙者公一意撫之以寬權宜變通
令先行鹽後納課俾得息肩行之數年商本稍裕
有起色矣又察鹽運之壅病在私販公嚴禁得疏
通他如培課源足

國賦除加耗蘇商困濟河築堤賑竈恤丁兩淮戴若

通他如培課源足

國賦除加耗蘇商困濬河築堤賑竈恤丁兩淮戴若
慈母此皆分內事夫鹽利藪也乃纖塵不染如入
郇公之庖五味全刪親太倉之粟枵腹而處此人
所難越一載丙寅余調撫江蘇公來謁始識公面
德盛而禮恭謙退不伐古貌樸衷訥訥然如不能
出諸口望之甚平易余敬禮之且驚曰先生何以
赫赫然聲稱震天下哉公歎仄遜謝乃知公固有
道君子也當其守維揚也一惟潔已奉公革陋例
公賑穀嚴地稅建義學掩遺骼安插災黎賑濟饑
民平訟獄之寃鋤強暴之首諸政詳於行狀不可

詩書堂
縷述若夫取與必嚴一介如藁飲水正己率屬其
大節彰著清聲

上達豈一旦之故哉再稽行述公釋褐後授浙江開化
令開俗健訟公宣講

上諭十六條委曲開導人悔悟以訟爲戒邑大旱螟蟲
傷禾稼民饑公設法存活無算歲甲寅耿逆叛勢
甚猖獗邑南墾戶多閩人皆豎黑旗以應賊踞龍
山源中城守千總吳正復胡異志賊魁馬朋等果
驟至吳正應之遂入開化公先移保十六都集部
民勇敢鄭大來等招義勇團練擊賊於石門大破

之賊遁入城安輯爲固守計賊再寇再擊之死相

沈藩自是城小善堂不

民勇敢鄭大來等招義勇團練擊賊於石門大破

之賊遁入城安輯爲固守計賊再寇再擊之死相
枕藉自是賊心膽盡落無何鄰邑常山陷公念孤
城無筋角乃退保遂安帥兵士由遂安恢復生擒
渠魁謝某父子斬之八月

王師分道並進直趨閩省公督衆搜勦鳥飛獸散爲
集逃亡撫瘡痍請蠲請賑休養生聚次第舉行贖
回難婦千餘口民感泣爭肖像祀公丁巳年總督
李公紀敘軍功首推公

上覽奏嘉悅

特賜優敘擢陞揚州知府云公諱華字連生號西嶽直

續書

文集

卷二十一

誌銘

三

隸真定府平山縣人系出山西之馬邑九世祖諱
峻遷平山下居城南王子村力耕課讀以忠厚傳
家五世祖諱崇元博學有文名明萬曆己卯登賢
書屢上春官不第遂閉戶著書高祖諱國治以明
經任山東臨邑少尹多惠政曾王父昆弟四人長
諱懋學文譽甲於藝林八試棘闈未售以明經終
生王父一人卽

誥贈中大夫慎吾公也孝友忠誠根於至性公兄弟五

人公居五幼穎異甫五歲慎吾公以梨餅授之必

整衣冠拜而後受慎吾公心器之常摩其頂曰異

日大吾家者必此兒也戊寅之亂變出倉卒父見

人公居五幼穎異甫五歲博音公以季節授之必
整衣冠拜而後受慎吾公心器之常摩其頂曰異
日大吾家者必此兒也戊寅之亂變出倉卒父見
背時公方七齡登第後每念及此輒泣數行下以
老親不及見爲隱痛幼旣孤賴

誥贈淑人母謝茹苦撫訓成立執業於伯父凌岳公公

朗悟伯又善誘掖啟迪之己丑補弟子員丁酉領
鄉薦己亥成進士公仁孝性成痛父亂中蒙葬第
後庀美材整殮具重葬成禮而後封植事母定省
承歡能以色養居憂哀毀骨立於昆弟相友愛事
伯如父禮文宗八大家喜藏書謂子弟曰吾拙宦
幾三十年無以遺汝輩能讀父書足矣雖在官手

不釋卷公暇卽肆力於詩歌古文辭所著有公餘
詩畧及四書課兒講藝諸書尤慷慨樂施里歲歉
食草根木皮公盡出國谷分給之守揚日建育嬰
堂按日資以廩給活嬰兒甚多於金山險渡設救
生船歲終給繫因錢交友以信馭下以寬歷兵戈
履盤錯心血爲枯積勞成瘁癸酉三月報陞陝西
涼莊道叅政一疾遂不起商民罷市焚香慟哭者
三日非甚盛德何以感人至此公生於明崇禎五
年九月二十日卒於康熙三十二年六月十四日
享年六十有二初令開化

敕封文林郎再任揚州知府

誥封中憲大夫三任內生鹽土道

享年六十有二初令開化

敕封文林郎再任揚州知府

誥封中憲大夫三任兩淮鹽法道

誥授中大夫涼莊未任元配武氏所生官封姓氏詳於

行畧俱不贅繼配郭氏又繼配今賈氏俱

封贈淑人側室常氏公子三人長岱齊甲子拔貢候選

主事郭氏出娶葛氏繼娶徐氏繼娶胡氏次巒齊

庶母常氏出娶馬氏次萬齊庶母常氏出幼未聘

女九人所適載行畧孫男一人允臨幼未聘孫女

一人幼未字俱岱齊出公莊敬弘毅不欺暗室於

不潔一無所屑益以寬和爲運使諸商以羨餘若

千金請致公拒弗納一商私販檄鞠懼罪暮夜以
金獻公叱之子謂公清於開化擾攘之餘易清於
名郡紛華之地難又清於繁劇要衝之區易清於
財利山積之日難昔貢禹有言居官而致富者爲
雄傑處家而得利者爲豪雋夫漢之俗尚近古然
已如此又何責於後世之靡靡者乎蓋公儉樸而
寡欲糲飯敝衣處之淡如卽在仕籍亦然易簪之
日無長物圖書數篋而已公資於身者薄故繫於
物者輕斯能入泉流而不留甘澹薄而不厭如是
而世能撻之者寡矣故能不苛不矜貞於始於終
於常於變於豐於嗇於衰於壯而一之豈恒情所

而世能櫻之者寡矣故能不苛不矜貞於始於終
於常於變於豐於嗇於衰於壯而一之豈恒情所
易企哉公之令嗣卜葬公於某地葬以卒之某年
月日來請銘於余余曰廉官可銘也因敘論而銘
之銘曰古道淪亡潔者寡得車彌多舐彌下如蠅
集垢撲不捨廣陵烟花都且台鹽筴泉流湧如瀉
甘山司珍盡苞苴泊然不繫惟公者衆注以金獨
以死百年攷德在茲也



封翁信山胡公墓誌銘

公諱... 字翁... 主... 虎... 言... 山... 則... 虎... 是... 天... 安... 行... 矣... 三...

封翁信山胡公墓誌銘

公諱或字翁生號信山別號愧林按行狀先世自元江西行省叅知政事諱福始二世祖諱炳南以五經中元進士不仕與同時高士楊九萬李益公焦恂儒毛文伯偕隱於郡之林尖山時人爲之語曰楊李毛焦胡燕山五丈夫及卒元賜配饗劉因諡文範公公號愧林自謂有愧於林尖也三世祖諱載登明初吳宗伯榜第仕終河間二尹四世祖諱質明初光祿少卿五世祖諱崇明錦衣將軍六世祖諱世臣以萬金產讓弟見邑乘義士傳高祖

太學生少菊公諱九德曾祖諱忻號仁齋明太醫院院判祖盡明公諱向化登天啟辛酉賢書任終山西恤刑刑部尚書郎治獄多陰德全活矜疑者八十八人載晉讞誌有丈夫子二人長卽公次木生公諱穆以恩選初任上林苑署正年甫三十終無嗣原任湖廣布政使絹菴公諱戴仁承之木生公文章詩賦名於時疾篤對公泣曰有嚴父賢兄在光前裕後有人死可瞑目獨絕嗣傷心爾言之哽咽公曰吾二子擇而立之猶子也以長子不爲人後公引戴仁公至前拜哭木生公曰吾今可含笑地下矣遂卒盡明公以麻木呻吟牀榻公以子

笑地下矣遂卒盡明公以麻木呻吟牀榻公以子

人後公引戴仁公至前拜哭木生公曰吾今可含笑地下矣遂卒盡明公以麻木呻吟牀榻公以子然之身色養於上教育諸子弟於下甚嚴迨各成立絹菴公筮仕粵東香山令又明年兄存仁仕粵西忠州同知卒於官一子海士亦四十而亡公痛之公固長者生平孝友備至忠厚傳家功勞無施樂善不倦公施棺焚券弔喪問客救人之急容人之過揚人之善成人之美待親友敦大與鄉里族黨寧失之厚不失之薄教家清自治喪不事浮屠他如修先賢祠虔祭靜修先生及配饗公後學嚮風興起增封四百年來祖塋成大塚捐賀園墓擴

文廟櫺星門外屏牆修兩坊規模弘敞隨中鄉試者五人會榜二人人皆謂增修之應又修楊忠愍公祠創孫徵君祠建恤刑公祥刑三晉坊於白溝以宗人漸衍購地別置佳城家廟在園屯內不便祭掃另創於東塋悉載行述中不詳及前邑令馬公蜀人一病不起公與縣尉胡君銓捐購美材存之不令知馬令臨危窘甚問後事於胡乃告之就枕叩泣曰吾何德於胡翁乃蒙此以公素不入公門故也數千里俾櫬還咸公經營焉其仁愛如此公好學淵博七上公車不售多著作於潼關署中

編煙月堂家集八卷選詩文四卷刻含青草諸書

後甫多二成以公爲文狀二之了六三合篇一書

公好學淵博七上公車不售多著作於潼關署中

編煙月堂家集八卷選詩文四卷刻含青草諸書
畿輔多士咸以公爲文獻比之郭林宗徐孺子焉
令嗣絹菴公雖出繼歷仕七任或就養或家居時
時以古循良名公卿勉絹菴公寬而不苛簡而不
擾清而不滓絹菴亦奉教唯謹以廉隅自飭平恕
存心故在香香頌在潼潼頌先於楚督糧賦足民
裕繼於粵司臬平刑釋寃後於楚作藩恩膏淪洽
奈值夏逆猖獗子身避難府庫一空至今交盤被
累弗克回籍聞訃哀毀於鄂渚間其嗣君名范任
陝西山陽令應陞來候補并營葬事卜吉某年月

日持尊人書幣謁予請銘以予曾涖容邑知公深
故也予惟天地淑清之氣時得之而爲春日得之
而爲煦風得之而爲薰皆所以長養萬物其化至
密其用至醇其在天德也則爲仁爲惇厚之化爲
無言之教備其理者在唐虞爲八元在周爲仁人
在漢始稱長者其取義以爲先躬行而尚本質有
長盛昌大之道故善治天下者必貴之漢之大臣
惟塞侯張歐皆以長者稱若曹懿侯之清淨寧謐
萬石君之父子謙謹不譁丙丞相之居德不伐要
皆長者之選人主用之國必久不用而俗亦化家
亦昌長者之子孫必衆盛而尚德吾於公見之矣

皆長者之選人主用之國必又不用而俗亦化家
亦昌長者之子孫必衆盛而尚德吾於公見之矣
稽公行畧跡公生平何一而非於厚不於薄其所
以教子若孫何一而非寬大忠厚以刻而寡恩爲
戒故天下可以無才能之人不可以無長者不幸
而乏才能焉事不過廢弛不幸而無忠厚之長者
其奚恃而久安長治乎長者之用梁肉也才智之
效藥石也今公長者雖不獲如塞侯等之有益當
時而其遺澤之所及未始不同也公元配陰氏所
生官封姓氏俱載行狀不贅子二長存仁貢監選
廣西忠州同知到任未幾卒娶董氏次戴仁歷陞

詩書堂
湖北布政使司布政使娶楊氏孫五人海士太學生卒娶趙氏存仁出滄弱冠早卒娶常氏守節現奉

旨旌表范陝西山陽知縣今候補主事娶柴氏沆儒士

娶丘氏夫妻俱天準吏部候選主事娶王氏孫女

一許字宮詹崔玉階公次子渭源俱戴仁出曾孫

九人柳介生員娶辛氏海士出具區候選國子監

典簿娶雷氏具夏監生娶程氏滄出具茨生員卒

娶李氏石介業儒娶王氏海士出具瞻具慶具裔

具體俱范出俱幼具才準出幼曾孫女二未嫁立

孫五人天官具區出冬官具夏出春官具茨出懋

具體俱范出俱幼具才準出幼曾孫女二未嫁立
孫五人天官具區出冬官具夏出春官具茨出懋
官柳介出美官石介出俱幼戴仁請移

封通議大夫廣東等處提刑按察使司按察使母太淑

人云銘曰中世取士貴乎材智巧偽如雲非國之
利無言而代不爲而成長者之功沛然難名漢祀
四百將相多有匪任長者其何能久如山之常如
地之容先生樂善涵以雨風善而無位所貽則長
子孫奕葉列堂冠裳輔德惟天爲善惟人載具淳
風民俗用惇



錢塘少叅三餘汪公墓誌銘

錢塘少叅三餘汪公墓誌銘

錢塘三餘汪公諱漸磐新安人也世居休之雙溪
祖均登嘉靖甲辰進士歷官福寧道叅議有平倭
功閩人祀之父釧賓州別駕有子七人公與兄漸
鴻敕封王太夫人所生別駕居官廉平貧不能具
二醮兄弟並食餼於杭數椽敝甚知名士咸樂與
交時有雙鳳之目萬曆戊午舉鄉試己未成進士
兩試俱以尚書魁授江右瑞金令會從兄泗論奉
命巡方改知粵東高要縣下車仁明端亮吏不敢
爲奸邑舊有海稅權無定員自守臣至縣佐歲資

以潤恐不可得公獨辭終任不一監其事辛酉同
考得士五人多惠政乙丑陞工部主政去任民懷
之時逆奄盜弄神器流毒縉紳公居虞部勾管三
殿工役日與璫人伍朝士一時阿附驟躋卿貳公
恥之絕不與通已念王太夫人年老稱疾歸未幾
正人君子並罹拷掠公獨超然禍外人以是服公
先幾之哲云乙亥陞山東學憲公慮彼時制執務
以詭僻鈎棘相競尚於是正文體端士習杜請謁
風氣遂歸大雅由齊魯而及天下譬之泰山出雲
不崇朝而澤遍九垓其勢然也迄今五十餘年猶
誦公公正無私知人能得士焉舉卓異陞東兗道

不崇朝而澤遍九垓其勢然也迄今五十餘年猶
誦公公正無私知人能得士焉舉卓異陞東莞道
叅議時兵荒道殣殍仆相望公請於上力爲賑濟
民賴以生馭下素嚴重謝絕餽遺有鄆城令其中
秋餽公時壺二柄發函則銀壺也公面盡赤亟追
使者還之其清介類如此戊寅以註誤罷歸癸未
起廢詔內外四品以上各舉所知守道李公二如
薦公有曰百鍊之剛已徵於曹署四知之稟復見
於文衡人稱實錄遂復職候補甲申馬阮並用人
人爲勸駕公痛時事皆由此輩敗壞不可復挽遂
由武林挈家還雙溪杜門謝客日手一編自娛丙

戊同年毛公九華巡視安徽欲薦公公力辭亦不
往謝當事重公品行地方利弊多訪於公公因版
宇初定小民易陷刑辟隱爲申救全活者衆公子
三人皆先公卒雙溪距江右最近會叛卒流入新
安執公求金長孫廷徵年十二已脫走聞變急歸
跪請於賊賊異之忽有老兵從衆中出解公縛曰
此非鄆城一官耶犯之不可揮衆去公幸獲免因
與諸孫避跡西湖公素豪於酒至是猶數斗不亂
諸少年不勝杯酌多欠仲狀視公端坐浮白笑謝
不能及也辛丑秋病痢易簣命諸孫斂以常服覆

布衾亟歸雙溪毋事浮屠重違先人訓時觀察荔

不能及也辛丑秋病痢易簣命諸孫斂以常服覆
布衾亟歸雙溪毋事浮屠重違先人訓時觀察荔
裳宋公爲公首拔士聞訃走哭見盡室蕭然不異
寒素歎息久之公天性孝友其賦鹿鳴而歸也追
念別駕悲不自勝筮仕端溪王太夫人以途遠不
肯行公寢食俱廢必得迎養署中朝夕起居然後
安與兄少長相依互爲師友旣貴宴遊必與之俱
兄不往公亦不往也子姪不衣冠不敢見不命之
退不敢退雖溽暑嚴寒不少假故新安六邑家法
必推雙溪汪氏所著有四書宗印尚書宗印迪吉
錄名臣言行錄行於世享年七十有三從孫光被

詩書堂
余門下士卽漸鴻公孫也念弟廷徵早卒未遑乞
一言傳後世再拜以請余嘉被志古之道且稔聞
公學行才猷典型尚在故爲次之銘曰

白嶽峩峩練水澄文章華國蜚英聲端溪作宰稱
廉平郎署優遊畫省行遭世末流奄黨成鳳凰鍛
翻狐狸鳴見幾之哲明且貞拂衣偕隱山之岑昏
霾忽散天地清東齊秉鐸文教興絳帳高懸弟子
迎水輪四映玉衡平三年卓異遷備兵雙壺不受
返鄆城饑饉流亡滿郊垆上書請賑活萬民菽蔬
從來忌杜蘅一朝去官罪不明黃童白叟攀車櫺

顛天借寇出中誠松菊歸來委榛荆閉戶著書亦

從來忌杜衡一朝去官罪不明黃童白叟攀車櫺
額天借寇出中誠松菊歸來委榛荆閉戶著書亦
足榮子孫恂恂守一經恥懷短刺謁公卿我慕清
風作此銘江水湛湛江峰青



誥封馬夫人劉太君墓誌銘

歲次丙寅...

誥封馬夫人劉太君墓誌銘

歲癸酉孟春江右大中丞馬公之繼配劉夫人卒於官邸遣使以其狀來請余爲誌銘以傳之余與公同宦武林人稱夫人賢閔公行實皆手自敘述情文並摯質實而可信且與余夙聞同故弗辭按狀夫人父小河公素以文學稱四箴七誠之書悉手爲訓誥于歸後夫人才識明敏善理家政俾公竭力揣摩勿以米鹽瑣屑紛其慮壬子舉於鄉會逆氛煽亂民咸奔竄公欲櫻城自守以靖桑梓報國不無內顧之憂夫人與公謀挈家人出避山谷間

勸以人臣大義於是公得一意招募鄉勇拒守要
塞上書幕府約日渡河擊賊軍聲大振當事以其
名聞於

朝署公本州牧以招撫之用曠典也三月之內餘黨
悉平調守灤州人知公殄滅寇亂文武兼資而不
知有夫人以扶助之故能建此奇勲也豈不賢哉
嗣是宦遊所至夫人間從歷戶曹則勸以會計居
刑部則勸以矜恤督北權則勸以通商與杭郡則
勸以愛民會

翌華南巡駐浙察公廉能由太守超遷臬旋陞藩未
幾江撫缺人

上詩簡公在夫人也公以三

翠華南巡駐浙察公廉能由太守超遷臬旋陞藩未

幾江撫缺人

上特簡公往夫人益勉公以正己爲屬僚倡及抵署恒
如爲孝廉時一切供億平價以售愈加儉約去冗
僕省浮費不欲以多口服食累公也百姓聞之歡
呼載道一時墨吏多望風解綬去江右爲四達之
衢兵燹之後民皆喆窳而鮮積聚公加意拊循務
以寬大爲治每丙夜按簿書草章牘夫人則率妾
媵治女紅間課兩子學業以侍左右未嘗敢一日
怠後以女病夜省視遂感風嗽然猶調度中外事
如常及疾大漸啟篋篋自

命服外僅尋常絹紵二三襲餘皆澣濯數過翡翠珠璣
一無所有咸歎息夫人之儉德無不泣下易簪之
辰獨囑公養身以報

君父清白以安子孫言不及私恣中大體益夫人婉婉
性成相公登賢書及教育子女皆合於婦道母儀
此猶常事耳余所難者當朱龍外叛時萬姓驚號
空城以遁夫人獨勗公募兵固守且遣使從間道
上書幕府約日渡河勦寇人心遂固逆氛之氣已
奪不久而殄滅無遺種公之力爲多公以一孝廉
上結

九重特達之知下係朝士觀聽之望天下之人以爲南

上結

九重特達之知下係朝士觀聽之望天下之人以爲南
仲山甫復出也抑知其贊成者乃出自閨閣中哉
且公守灤州夫人曰廉爲德基厚藏損志公開府
南昌夫人曰人臣之不能公而忘私國而忘家者
皆由紛華之一念啟之大哉言乎足與伊訓說命
相表裏矣至永訣時聞家人哭泣聲曰吾去來無
礙若輩何必悲慟此又達於生死之理過儒人才
士矣生卒年月具載狀中茲不具贊銘曰
金明啟秀彰武凝祥篤生婉婉克相家邦賓與有
典雋舉於鄉時惟蟻賊敢爾鳴張中閨贊計哲士

奮揚購求義勇効勝疆場上書幕府飛捷

朝堂鯨鯢授首豺虎屠腸擢居州牧贊出帷房宦遊
中外南朔車航清聞蘭省儉著錢塘食鮮珍味服
多澣裳庶無內顧得展兼長

六龍時幸萬姓頌揚

帝知名杜人識龔黃超遷藩臬維持紀綱旋陞開府

特簡豫章夫人彌惕中丞不遑敬陳忠告寓意動勦惟
彼奢麗棄其隄防昔也却餽今也贏糧以此風厲
庶幾允臧公行其策民悅且康澤被五嶺恩流九
江溫如冬日藹若春陽時侍邸舍忽感風霜爰呼

妾媵啟視篋筐衣惟綸翟佩少珠璫何以教子詩

江溫如冬日藹若春陽時侍郎舍忽感風霜爰呼

妾媵啟視篋筐衣惟綸翟佩少珠璫何以教子詩
書是慶何以戒女機絲是將勉公調攝報我

君王遂奔月窟遽掩星鉉子荆傷逝安仁悼亡祇事翰

墨或矜容光豈知大體焉識

王章非此於邑云誰悽愴悠悠渭水渺渺漢疆敢宮
返轡素旄啟行青鳥旣吉彩鳳斯翔百年永固奕

世其昌佇觀

綸綺重賁松篁



封馬太淑人張太君墓誌銘

封馬太淑人張太君墓誌銘

馬太淑人姓張氏本邑武功人也父曰承燿太學生祖曰榮孝廉永平府司理夫曰璟以殉難

贈浙江布政司叅政生子曰逸姿太淑人生於名閥幼嫻婦儀班訓內則諸篇靡不通曉年十八歸叅政公事舅姑盡孝夜則熒熒一燈躬織作與叅政公書聲相應和徹堂上寢室喜甚叅政公中甲午副車鄉貢任山東昌樂令丁內艱服闋補浙江永嘉令太淑人隨下車卽有神朶之頌歲餘耿逆犯順甌城巨弁懷異謀應賊公正色折之冒白刃罵

不絕遇害太淑人聞變痛哭悲悼仰天大呼卽投
繯以殉逸姿年穉牽裾拜泣乃得緩須臾爲馬氏
存塊肉倉倅携持冀脫虎穴慄逆賊行提殉難家
屬將逸姿解聞省悲夫寇焰薰天忠魂入地且子
分編行伍亦至此極耶時太淑人在溫郡親詣僞
官所陳詞泣訴僞爲之動獲遣還灑涕江干未幾
王師南下殄滅妖氛督撫列殉難諸公名
入告從優贈卹前秩廕其子逸姿

特賜祭葬用慰幽魂遂扶櫬歸里葬焉太淑人肅閨門
若朝常從無疾言遽色雖膺弗翟澹若布素終身

茹荼集蓼如一日教逸姿甚嚴曰夫女之績也絲

若朝常從無疾言遽色雖膺弗翟澹若布素終身
茹荼集蓼如一日教逸姿甚嚴曰夫女之績也絲
紛而日治之則大帛成安有疎慵子能成立者乎
逸姿奉教唯謹承膺後得謁選詔而飭曰子行將
作吏惟儉可以成廉我弗以祿養累汝往慎哉筮
仕霸州守清謹如母指五載陞刑部員外郎諄諄
以人命繫生死爲諭陞兵部督捕郎中間報告誠
倍切庚午司權許墅太淑人就之非就養也以事
關邦計泉貨非渺舉古人爲關之意面誨而親督
之役竣仍歸里復

命陞浙江驛傳道一東裝南走一遣使西迎奈何訃音

護書堂
至矣逸姿伏寓苦哭甚哀卽日奔歸囑戚刑部雲
濤焦君請余銘以余與迺伯江右撫軍見五公有
淵源誼厥姪其世好知淑人深也授以狀狀稱太
淑人生前壬申四月初十日卒康熙三十一年七
月十三日享年六十有一先叅政公令昌樂遇

覃恩敕封孺人逸姿守霸州遇

覃恩誥封太淑人從夫秩也男一卽逸姿娶郭氏邑庠
生紹儀君次女

封宜人女一適邑庠生李世昌早卒墓在某處得吉

康熙三十某年月日銘曰

維淑人先世有顯人歸於華胄並冠西秦夫子大

康熙三十某年月日銘曰

維淑人先世有顯人歸於華胄並冠西秦夫子大
節浩氣粼粼惟淑配德珮玉同禮誰謂閨處識超
群倫誰能優學勗子克臣有聲載揚翟莠朱輪太
白之丘鬱乎嶙嶙封土等嶽觀者逡巡生亦有盤
沐亦有珍啟祚流祥麟趾振振千秋萬禩厥體維
珉

祭王誠菴工部文

嗚呼造物者有心耶無心耶乃無端而造厥兩大
一則冲然如蓋徧覆於上不憚其高也一則塊然
如坻厚載於下不厭其重也謂造此者無心吾不
信也又無端而造厥兩九一則頽然方沉於西運
行不爽何不厭煩也一則煜然旋昇於東晷刻不
差何不憚勞也使憚勞而厭煩焉乾坤或幾乎息
矣謂造此者無心吾不信也又無端而寒矣又無
端而暑矣一往一來四序不忒又無端而風以散
之雨以潤之矣無端而雷以動之日以暄之矣謂

造此者無心吾亦不信也何也凡此蓋爲生人生
物計也夫旣生此人物矣卽宜予之以安若釋氏
所謂極樂淨土蓮花品生不事耕桑衣食自然此
大生廣生之德也奈何無端而又有天札疢厲又
有水旱蟲蝗及水火盜賊刑獄兵戈饑饉疾病死
亡也無端而又有爪牙相吞弱肉強食也淵驅魚
也叢驅爵也又無端而強凌弱衆暴寡利相傾勢
相軋憂虞悔吝以相攻利害得失以相危讒邪訕
謗以相加鰥寡孤獨以相苦以一人之身來百感
之乘日食萬錢者愁無下箸半菽不飽者走死且

窮長貧賤以終身挾富貴而驕人盜跖壽考顏子

之乘日食萬錢者愁無下箸半菽不飽者走死且

窮長貧賤以終身挾富貴而驕人盜跖壽考顏子
早夭郭况金穴范丹金塵臨流論囚水赤燐火戰
場色青長平四十萬同時而坑東海五百人赴義
並死造物者有心耶無心耶謂有心歟吾不知人
物何罪而造物不仁罹此極也當造物者之所不
能解者也謂無心歟吾又不知造物何勞勞碌碌
不憚其煩而生此人物徒荼苦無益何爲也當亦
造物者之所不能解者也王君子丙午所錄士也
少失怙恃作諸生苦應計偕遭變於江右爲賊手
刃已死復生苦久之博一官令沂水爲政有聲廉

隅刻厲妻子不自給又苦幸行取歷官工部員外
日飲水勤厥職又苦司空六堂以賢能薦引

見方大用次日卽病越七日而死先數月長子及媳
死僕人男婦先後死者十餘口遺幼穉子女四人
及繼室次第復徧病久乃起留滯邸寓欲扶櫬歸
不能至是則苦甚也予經營且窘乏予又苦嗟乎
王君固善士也言矩而行方清修而勤職造物者
仇之耶適然耶有心耶無心耶何爲而至此極也
吾問之造物當又造物之所不能解者也造物旣
不能解矣予又何必言耶哭耶母惑乎釋氏老氏

莊周之徒說空說懸言養生達生之反爲窺見一

不能解矣子又何必言耶哭耶母惑乎釋氏老氏
莊周之徒說空說懸言養生達生之反爲窺見一
班也茲執斗大巨觴酌君以酒君若有知其笑而
飲之飲而樂之吾斷斷勉力俾君及多口歸爾黔
里不必區區戚容攢眉作嬾人態酸此孤兒孀婦
於幽堂爲也尚饗

讀書堂綵衣全集卷二十一止

中華民國

三



雲南文物委員會
收購移交



會收購移交









